



Inatsisartuni ilaasortaq Jens NapätôK', Partii Naleraq

Dronit pillugit § 37 naapertorlugu apeqquteqaammut 2020-110-mut akissut

06-07-2020
Suliaq nr.: 2020 - 11164
ID nr. 54416051

Asasara Jens NapätôK'

Inatsisartut suleriaasianni § 37 naapertorlugu dronit pillugit Naalakkersuisunut apeqquteqaateqarputit. Apeqqutitit uannit akineqartussatut innersuunneqarput. Apeqqutitit matuma kinguliani ataasiakkaarlugit allanneqarput, akissummillu malitseqarlutik.

Postboks 909
3900 Nuuk
Tlf.: (+299) 34 50 00
E-mail: box909@nanoq.gl
Fax: (+299) 34 63 56
www.naalakkersuisut.gl

Apeqqut 1. Nunatsinni suliassarpassuarnut Dronet atortarnissaat Naalakkersuisut siuarsarniarpaat?

Akissut: Teknologii ineriartornera inuiaqatigiinnut najukkatsinnut iluaqutaasariaqarpoq. Illuliortiternermi sanaartornermilu droninik atuisarneq annertusiartoreerpoq. Ineqarnermut Attaveqaqatigiinnermullu Naalakkersuisoqarfiup 2015-imili aamma 2016-imili suliffeqarfiit illuliortiternermi sanaartornermilu siunnersuisartoqarfiusut droninik atuisarnermut ilinniartinneqarnissaat, droninillu atuisarnerup siuarsarneqarneratigut naammassisaqarsinnaassutsip pitsaassutillu qaffassarneqarnissaa, kiisalu aningaasartuutikillisaanissaq suliniutigilereerpa.

Apeqqut 2. Dronet pillugit malittarisassatigut inatsisitigullu naleqqussaaneq Naalakkersuisut sulissutiginiarpaat?

Akissut: Aap, Naalakkersuisut tamatuma anguneqarnissaa sulissutigereerpa. 2017-imi kunngikkormiut peqqussutaat aqutugalugu dronit pillugit maleruagassat nutarterneqarnissaannut inatsisitigut tunngavissamik atuutsitsisoqalerpoq. Kisiannili Danmarkimi dronit pillugit EU-mi maleruagassat nutaat atuutsinneqalermata suliaq kinguaattoorpoq. Maleruagassat nutaat 2020-p naanerani Danmarkimi atuutsinneqalernissaat naatsorsuutigineqarpoq, aammalu tamatuma kingorna Kalaallit Nunaanni pissutsit immikkut ittut eqqarsaatigalugit atuutsitsisoqalernissaa pillugu danskit oqartussaasui pilersitsiviulluarmik oqaloqatigineqarput.

Apeqqut 3. Kalaallit Nunaanni Dronenik atuneq ineriartortitsinissarlu pillugit qanoq iliussissatut pilersaarummik Naalakkersuisut suliaqarniarpat?

Akissut: Kalaallit Nunaanni droninik atuisartut pitsaanerpaanik atugassaqartinneqarnissaat Naalakkersuisut sulissutiginiarpaat.

Apeqqut 4. Nunatsinni Dronenik atorluanaanissamik ilisimasalinnit kalaallinit Naalakkersuisut saaffigineqarsimanertik ilassilluarpaat?

Akissut: Soqutigisaqartut tamarmik pitsaasumik naapertuuttumillu pineqarnissaat Naalakkersuisunit anguniarneqarpoq.

Apequt 5. Arktisk Drone Center-imik Nunatsinni pilersitsinissaq, Naalakkersuisut tapersensorpaat?

Akissut: Inuussutissarsiutinik ineriartortitsinissaq tunngaviusumik tikilluaqquneqarpoq. Soorunami suliassani immikkut ittuni aalajangersimasunut naliliinissaq apeqqutaasassaaq.

Neriuppunga qulaani allaqqasuni apeqquteqaatitit akineqartut.

Inussiarnersumik inuulluaqqusillunga

Karl Frederik Danielsen